

Date – 13/12/2024  
Time - 7:30 -7:40Hrs

## REGIONAL NEWS BULLETIN

### HEADLINES (MORNING)

1. Governor Dr. Hari Babu Kambhampati an Mamit leh Kolasib District-a Oil palm growers hruaitute chu Raj Bhavan-ah a kawm.
2. Chakma Autonomous District Council sawm pakhatna chu nimin CADC thlasik thutkhawmah namthluka awmin, MDC 8 in BJP an zawm.
3. Lok Sabha MP Pu Richard Vanlalhmangaihan Parliament thlasik thutkhawmah Manipur buaina chingfel turin Sorkar laipui a phut thu a sawi.

<><><>

### GOVERNOR

Governor Dr. Hari Babu Kambhampati an Mamit leh Kolasib District-a Oil palm growers hruaitute chu Raj Bhavan-ah a kawm a.

Governor chuan India-in hriak ei chi a mamawh tam zawk ram dang atanga a lakluh thu leh intodelh tura theihtawp a chhuah thu sawiin, Sawrkar laipui chuan National Mission on Edible Oils-Oil Palm (NMOOP) kaltlangin oilseed tam zawk thar turin tan a la chhunzawm zel a ni, a ti a. Mizoram chu oil palm thar tamna leh hriak ei chi kan lakluh tamna Malaysia anga theihna nei a nih tih sawiin, hemi kawngah hian theihtawp chhuah a tul thu a sawi bawk.

He hunah hian National Mission on Edible Oils-Oil Palm (NMOOP) kaltlanga kum 2022-2024 chhunga Oil palm hralltute hnena viability gap payment tun thlenga Sawrkar laipuiin engemaw rokhawlhn avanga a la pek theih loh chunchang oil palm growers hruaitute'n an thlen chu Larsap chuan hma lak sakin, Sawrkar laipua hemi buaipuitute pawh a biak sak nghal a ni.

<><><>

### SERICULTURE MINISTER

Sericulture Minister Pu Lalthansanga'n India hmarchhakah Mizoram chauh mumal taka MUGA Silk kalpui thei a ni a ti a, hemi tichak tur hian department hrang hrang thawhho a pawimawh thu a sawi.

Nimina Mizoram Sericulture Service Association General Conference Vawi 41-na, Sericulture department Conference Hall, Aizawl a hmanpuinaah Minister chuan he thu hi a sawi a. Mizorama tualto tam tak, MUGA pangang in a ei duh a tam hle a ni a ti a, MUGA silk hmasawn nan department an

thutkhawm thu leh an ni pawhin thawhho tha an tih thu a sawi a, sawhthing vangin ram leilung chhe theia a lan avangin kum hnih emaw sawhthing kalpui a nih hnuah permanent farming system kalpui a pawimawh dawn a ti a. Hemi atana a kutke pawimawh ber zinga mi chu Sericulture Service member te an ni tih sawiin an thiamna leh finna Mizoram mipuiten an chhawr tangkai a tul dawn tih a sawi.

Minister chuan thawktu indaihlohma phuhru tur leh Sericulture department tichangtlung turin sorkarin hma a la zel tih a sawi a. An sorkarin kum khat a tlin chhoh tan mekah thil tam tak siamthat ngai leh tihdik ngai an hmuhchhuah nasat thu a sawi bawk.

**Mizoram Sericulture Service Association General Conference Vawi 41-na ah hian Sericulture Director Pu V. Zothasanga pawhin thu a sawi a ni.**

<><><>

#### **MZP**

**MZP chuan tunhnaia MPSC hnuia hna lak dan rinhlelhawm a awm ni a sawiin chhui chianga hma la turin Mizoram sorkar an phut.**

Hemi chungchanga MZP thuchhuah tarlan danin MPSC-in Health & Family Welfare Department a thawk tur, Entomologist post khat ruak hnawhkhah turah exam hmachhawn turin mi 22 an tling a. Exam beitute atangin mi 5 te chu an Document endik tura thehlut turin hriattir an ni a. Thla 6 ral hnuah mi 3-te chu personal interview nei tura hriattir an ni a. Interview nei tura inbuatsaihna a kal mek laiin, Interview hun sawn that a ni a. Hna diltu zawng zawngte document ennawn turin Screening Board member pawh ruat thar a ni a. Interview tura a tira koh tel loh mi pakhat Pu Lalfakzuala Pautu chu koh tel nawlh niin, final result-ah pawh Pu Lalfakzuala Pautu chu lak a ni ta tih an tarlang a ni.

**MZP chuan he hna lak dan hi uluk taka zir chian a, chhui a nih hnuah duhsak zawngte thun tura ruahman a ni tih hai rual a ni lo an ti a. MZP chuan thalai hna zawng mekte ti hnual thei leh MPSC zahawmna ti chhe thei thil a nih avangin a ngai thutak hle tih sawiin chung lam atangin thil tithei inrawlh an awm ngeia an hriat tlat avangin, chhui chian a phut tih an sawi a. MZP chuan MPSC-in Entomologist hna a lak dan leh Veterinary Asst. Surgeon hna a lak dan rinhlelhawm an ti tih sawiin, chu chhui chianga, a tul anga hma la turin Mizoram Sawrkar a ngen a ni.**

<><><>

#### **AMC**

**Aizawl Municipal Corporation (AMC) chuan tunhnaia an hna lak, post pali chu an hnukkir leh a,**

**Nimina AMC Municipal Commissioner in thu a chhuahah hian Mayor pawmpuiin tunhnaia an hna lak pali, Public Relations Officer post 1, Project Assistant post 2 leh Assistant Accounts Officer post 1 te chu hnuhkir a ni tih tarlan a ni.**

**MZP General Headquarters Extended OB Meeting** chuan tun hnaia AMC hnuia hna post pali lakah hian thil felhlel, mimal induhsakna uchuak a awm nia an hriat thu leh a rang thei ang bera sut turin AMC hotute chu thuchhuah siamin an ngen a. **AMC Executive Council Meeting** chuan kumin September ni 11 khan hna hrang hrang, Fixed Pay leh Contract Basis a lak nise tih an rel tih sawiin MZP chuan an thurel ang hian hna hrang hrangte hi advertisement tel lovin, an mi duhsak zawng an la an ti a. MZP chuan thalai lehkha thiam hna zawng mek tam tak awm karah, duhsak zawngte hnaa thun thawm hriat tur awm fo chu pawi an tiin an dodal tih an lo tarlang tawh a ni.

**MZP chuan March ni 12 khan AMC hnuia Geologist-3 leh Urban Animal Husbandry & Veterinary Officer, Junior Engineer leh Asst Account Officer pakhat theuh lak danah dan kalha thiltih a awm ngeia an hriat avangin MZP ngenna angin **AMC Executive Council Meeting** march ni 15 a thukhawm chuan, AMC hnuia hnalaik hrang hrangte hi a sut a. March, ni 18 khan sutna lehkha hi tihchhuah niin hna sut tawhte hi tun hnaiah tharthawh leh in, a mi ngai thenkhatte thun nawn leh an ni.**

◇<><>

**CADC**

**Chakma Autonomous District Council sawm pakhatna chu nimin CADC thlasik thutkhawmah namthluka awmin, MDC 8 in nimin khan BJP an zawm.**

Nikum May ni 25 a CEM a tana lakluh Pu Rasik Mohan Chakma chu rintawk lohna Motion hmanga paihtlak a ni a, vawiin khan CADC a MDC pariat te chu BJP Office Kamalanagar, Chawngte ah lawmluh an ni a, lawmluh te hi Pu Lakkhan Chakma, Pu Sundor Muni Chakma, Pu Molin Kumar Chakma, Pu Ananta Bikash Chakma, Pu Montu Chakma, Pu Kalasoga Chakma, Pu Supon Chakma leh Pu Sanjib Chakma te an ni a, Chakma District President, Pu Durjya Dhan Chakma Delhi a zin hlan a nih a vangin District Vice President, Pu Doyal Chandra Dewan chuan MDC lawmluhna hun a hmang a ni.

BJP party lamah MDC 8-te lakluh a nih tak avangin tunah hian member 20 awmna CADC-ah hian BJP hian member 9 a nei ta a, ZPM in member 10 neein, MNF in member 1 an nei a, sorkarna siam thei an la awm lo a ni.

◇<><>

**AIR NEWS ON SOCIAL MEDIA**

**Chanchinhar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinhar hi ngaihthlak leh chhiar theih a dah a ni.**

**Chawhnu dar 2 leh a chanve ah Chanchinhar hi puan leh a ni ang.**

◇<><>

**MP**

**Lok Sabha MP Pu Richard Vanlalhmangaiha chuan Parliament thlasik thutkhawmah thu sawiin Manipur buaina chungchangah Sorkar laipui chu**

**remna palai ah tanga hnam pahnihte dawhkan khat kilpuia an harsatna chinfel dan tur sawipui tura a phut thu a sawi.**

**Lok Sabha MP Pu Richard Vanlalhmangaiha chuan sorkar laipuiin Myanmar, Bangladesh leh Manipur buaina avanga Mizorama ral tlante tan chhawmdawlna sum leh pai thahnem tak Mizoram Sorkar hnena a pek avangin lawmthu a sawi a. Hetihlai hian Manipur buainain hun a awh rei ta hle tih sawiin mi 200 chuang zetin nunna hlu tak an chan tawh thu leh, mi sing nga chuangin in leh lo an chan tawh bakah Kristiante Biak In 300 chuang zet hal a ni tawh tih a sawi a. Sorkar laipui tan mahni ram chhung ngeia buaina tleng chu a chinfel dan ngaihtuah a hun ta hle a ni a ti.**

**Pu Richard Vanlalhmangaiha chuan tun dinhmunah sorkar laipuiin Paramilitary Force tam tak pawh tir lut mahse heng community pahnihte inkara inremna a awm chuan si loh chuan an harsatna chu sut kian tak tak a nih a rinawm chuang loh a ti a. Hei vang hian sorkar laipuiin community pahnihte dawhkan pakhat kilpuia an harsatna sutkian dan tur sawipuia remna palaia tang turin a phut tih a sawi a ni.**

◇◇◇

#### **LUNGLEI CMAS PREPARATION**

**Mizo kristiante hunpui hlut ber, Krismas chu kar khat vel lek in a dang tawh a, Lungleiah chuan Krismas boruakin mipui chiah tan bawk mahse kum dang ang em em in khawlaiah leh sumdawnna hmunah mipui an la tam rih lo tih kan corr chuan a sawi.**

**Lungleiah hian Bazar na pui ber chu sakthat mek anih avangin bazar area leh a chhehvelah thawmhaw zawrhna siam a ni lova, kawngkam leh mimal dawr kawtah te thawmhaw zawrh a ni.**

**Khawlai chei a awm vak lova, Venglai khawtlang erawhin Saikuti Hall bul a, Tennis Court hmunhlui chu eng chi hrang hrang nen cheiin mipuiin an hlut hle tih kan corr chuan a sawi a, a report lo ngaithla ang.**

◇◇◇